

SUMMARIUM

Ab extra .

Illustrissimo , ac Reuerendissimo Domino Ioanni GottHartho Lib. Baron. de Vohlin. Vicario Generali Augustano. Patrono suo gratiosissimo &c.

Augustæ Vindelicorum .

Num. i.

Epistola D. Ottinger Ecclesiastici Consiliarij informatiua, & attestatiua .

Illustrissime , ac Reuerendissime Domine .

AD mandatum Dominationis Vestrae Reuerendissimae introduxi Fratrem Antherum Pach Professum Pollingae cum competenti respectu , ac solemnitate , & litteras Dominationis Reuerendissimae huic Domino Praelato extradididi, qui ab initio quidem toto animo obstupuit, nihilominus sic ad haec se submitit , vt ille praefatum Dominum Antherum pro sibi Subdito Religioso de nouo agnoscat, influenter verò talem in suo Monasterio pati minimè velit , vsque dum Reuerendissimae Dominationi Sua recentia motiua transcripserit , & rursus responsum obtineat , ac pariformiter id prius in Capitulo proponat ; Hac nocte Praelatus Pollinganus promisit Domino Fratri Anthero &c. victum, & lectum dare, die verò subsequenti habet idem intentionem eum ad Oppidum Habach transmittendi, simul cum Epistola directo eius Domino Cognato Canonico , qui interea ipsi congruum victum, & sustentationem ad expensas Monasterij subministrat , vsque dum fiat aliqua resolutio, quid cum eo sit agendum, hoc, quod me attinet, optimum Religioso huic esse puto , vt is primo feruori cesset , donec etiam hic motus obtemperetur , & in melius de hac Causa consolari possit . Coeterum supranominatus Reuerendissimus D. Praelatus ratione huius Religiosi diuersa proposuit motiua , & Primò quidem putat his formalibus , *audiatur, & altera Pars idest , vt Romam scribatur , sed primum, hoc motiuum mihi apparct frustraneum, & inutile , quia haec est merè Causa gratiae , & si omnia Domino Anthero illata scelera essent vera , est tamen is vt Bullae absolutus , & condonatus , & certò certius alij Viri doctissimi , scilicet RR. PP. Iesuitae Smalzgrueber, Tschiderer , Schaitter , & similes , qui à principio secundum falsam allegationem contrariam Sententiam nunc verò pro Anthero fauorabilem deriderunt , immò Sententiam negatiuam respectiue reuocauerunt . Est enim annus remissionis , & in Causa gratiae non*

B

A datur

*datur appellatio, nisi alteri fiat iniuria, quod asserere Sacra
Poenitentiarie iniuriosum esse; Hinc refutatum remanet
primum motium.*

Secundo transeat illud consilium Reuerendissimi Prælati,
nempe, ut quærat auxilium apud Officium Ecclesiasticum
Augustanum, quod difficulter contra Superiores quid
agat.

Tertio Dominus Prælatus intendit hunc Dominum ad aliud
Monasterium promouere, sed is utique nimis, ac vbiq̃ue

est prostitutus, & infamatus, & hac ratione excusandi gra-
tia eum suscipiendi quodlibet Monasterium hoc dilemate
potest uti, *Si verum est, hunc esse magum, & consuetudi-
narium, non est suscipiendus, si falsa hæc sunt, quare
eiectus iste de nouo non admittitur in suo Monasterio?*

Pro quarto demum curiosa relucet cogitatio, nempe: *Fa-
ciamus ergo ex hoc Clericum Sæcularem, quasi verò? & reli-
quum ex hoc sistemate Sua Dominatio Reuerendissima sen-
sum iam intelliget, quasi verò Clericus Petrinus esset omnium
Peripsema. Interim tamen iniuriosa hæc aliorum opinione
de Clero nostro etiam pro veritate habita obstaret Bulla, quæ
immediate determinat Oratorem, & supplicem Antherum in
proprium, vel alterius ordinis similis Monasterium suscipi
debere. Euanescit hinc pro ultimo loco etiam hæc in consueta
propositio, & proindè vllum melius expediens non inue-
nio, quam ut hunc Religiosum sine vltiori tergi versatione
ad suum proprium Monasterium suscipiat, in quo
ille suam professionem deponit, ad supraposita præfatus
Antherus in mea præsentia candidè suo Domino Prælato
exposuit, se nouiter Romam scripturum esse, pro rigoro-
sissimis alijs compulsorialibus, si conformitati Bullæ non
consentiatur. Paciter hic Dominus Antherus instantissimè,
ac constantissimè in hoc persistit, ut in eo loco, quorsum
vocatur, in quo & susceptus est viuere, ac mori velit, &
subindè se, ut filium obedientiæ in his, & similibus subui-
sit, si suo tempore suis Superioribus benignè complaceret,
eum ad quoddam Monasterium permutari posse, interea
petit ille, ut consueta reacceptatio fiat debita forma, &
hoc tempore in suo Monasterio se, ut verum Religiosum,
conseruare possit. Pariter etiam iuxta mentem Bullæ pa-
teruè, & benignè sicuti alij Religiosi tractetur, quod etiam
verum est maximam indecentiam esse, ut hunc Dominum
vltiori tempore extra Monasterium viuere permittant,
quod in contemptum Bullæ cadere possit. Hæc mea obse-
quiosissima relatio, & opinio à Dominatione Reuerendis-
sima cum omni clementissima permissione post hæc has lit-
teras*

terat est cassanda, nè in manus aliorum deueniant, & mihi odium, aut persecutionem pariant; Scripsi hanc veritatem innixus Reuerendissimæ, ac Illustrissimæ Dominationis Sæ singulari gratia, ut res conscientiosè simul, & securè tractari queat. De reliquo dubito, ac timeo nè Dominus Supplicans omnia facta formalia Romam transcribat. Si non inter paucas dies omni pleniori forma ille confoletur.

Pro remedio omnis obstaculi supradicta puncta vice priuatæ notitiæ Reuerendissimæ Dominationi communicare debebam, quæ communicatio mihi difficilior apparuit, quàm ipsus in hac odiosa Causa contra Reuerendissimum Prelatum, ut meum gratiosissimum confinem actor visus fui; Hæc tamen omnia pro maiori vtilitate, ac consolatione Prelati, & Monasterij, immò ipsam quasi extremitatem euitandi ratione exponere, & adducere debui, scilicet, ut hic Reuerendissimus Dominus Prelatus temerariè in suo discursu, in mea præsentia, & supplicantis Antheri, alijsque præsentibus Capitularibus (idest Dispensatore): Contra Sacram Pœnitentiariam perseuerauerit adiungendo, ac si similis gratia Pontificia esset receptaculum Populi luridi, vnico verbo = *In vna maniera molto sprezzante hà parlato questo Signor Prelato contra questo Sagro Tribunale, & adiungendo in super; quod ille, vsque ad hunc diem Antherum recognoscat.* Pro mago, & consuetudinario, si etiam hodie sibi Sacram Confessionem perageret, eum non absolueret, ad hæc, & similia verba supplicans in omni submissione respondit, nempe, quod misericordia Diuina sit infinita, & ille non sit potens ad vnicui momentum peccatorem damnandi. Pariter ad hæc verba ex Sacra Scriptura, & SS. Patribus ab Anthero citata, Dominus Prelatus redixit, v. g. *Hæc sunt communia prouerbia Populi luridi.* Replicando ille est magus, quod merè, ut vltimum verbum ad malum conceptum, & sensum adduxi. *Ante susceptionem in Sacrum Ordinem fuit optimæ famæ, post susceptionem in anno probationis, vel nihil in contrarium debuit fuisse manifestatum, vel illi inconsulto professionem admisissent, post professionem duobus dumtaxat annis, non tam in Monasterio versatus fuit; quàm in Cartore inclusus v. g. tredecim integris mensibus absolute inclusus nouem mensibus quasi excommunicatus, id est, quod cum alijs Religiosis nullam Communitatem, aut conuersationem habere potuerit, quæ consuetudo ergò, prout ab actibus occultis docere non licet, ita ab externis actibus probari intra tam exiguum temporis spatium non valet.*

E

F

Preterea, quia etiam post factam eiectionem his integris tribus annis hic Religiosus *optima fama fuit, & instructor in Seminario Bassaviensi* declarabatur pariter *Consultor in Congregatione B. V. M. in Cælos Assumptæ etiam optima Testimonia*, secum contulit, quæ omnia Domino Prelato à me fuerunt exhibita, demonstrata, & denique Prelatus suam innocentiam nihilominus recognoscere minime voluit; Hinc ex mere zelo similia exposui, si hic Dominus non fuisset capax in Sæculo, vel malæ indolis, vel in Nouitiatu, si malè segeffisset, non debuisset suscipi.

H Duobus integris annis post professionem fuit quasi continuò in carceratus, *post eiectionem ubique locorum in optima fama, ac laude, semper Vitam Religiosam ostendebat*, Ex his igitur ipsum non possum iudicare pro aperto consuetudinario de occultis nemò eorda hominum perscrutari potest, & non pertinet ad forum externum iudiciale, ad hæc demum Dominus Prelatus pro testimonio adduxit Monasterium Ethalense, ac si Dominus Supplicans in eiusdem Seminario malè segeffisset, quod verò in rei veritate contrarium ipsius Reuerendissimus Prelatus Ethalensis demonstrat: Benè verò illi post relictum Romanum omne auxilium humanum præstitit, & ad maiorem effectum omni meliori modo apud omnes eum recomendauit; Priori tempore hunc supradictum Dominum Prelatum, ut suum futurum Patronum, quia Dominus Antherus eiusdem Subditus est, deuotissimè supplicabat *pro Cautione, aut Titulo Mensæ*, quam sub promissione, certo certius obtinebat, antequam Orator Romam profectus fuit; Decanus verò Pollinganus Aduersarius, ut suum intentum impediret, *loco recommendationis* transmisit quamdam Epistolam Ethalam, ad cuius suprascriptum subsequenti in Lingua Latina verba adscripsit similia, nempe: (*litteras vidi, & Reuerendissimo Pollingano Præposito exhibui verborum formalium non recorder*:) *Qui non desiderat seduci caueat sibi euitet hunc despretum à Sancta Sede Apostolica, & Officio Ecclesiastico, ac nostro Ordine hominem. Quod verò scandalosum, & inauditum est à simili Religioso innocentiam alterius temerariè denigrare.*

Ceteroquin, & nihilominus semper *post eiectionem* animum redeundi in Sacrum Ordinem illum habuisse verisicè demonstro, & ratio est, quia sub id temporis ille in Monasterio Subensi *Canonorum Regularium Ordinis Sancti Augustini* fuit susceptus, & inibi laudabiliter perseueravit, postmodum verò totum factum ipsius ab hoc Monasterio fuit perceptum per directionem alterius Monasterij Pollingani

gani, fuit egrè dimissus; Hæc omnia, & singula, quæ mediante introductione Domini Antheri fuerunt facta, pro coronide Dominationi Reuerendissimæ in deuotissima submissione sub adnotatione adducere, & referre volui, vt suo tempore Sua Dominatio Reuerendissima sub omni secreto silentio de hoc facto plenam notitiam, & informationem habeat, & secundum eorum declarationem casu quo, si dirigere, ac iustificare possit, parcendo verò meæ propriæ personæ enixè supplico = Hæc mea conscienticè, & veritate probata, ac enarrata sub silentio conseruare, & non adacta producere, & ratio, quia ante hanc Commissionem de hac Causa nullam omninò habui notitiam, & nullam partialitatem exhibeo, *sed quæ dicta, & facta sunt coram Deo esse testata vi præsentis relationis (: Quod ita res se habeat) : Contestor.*

De reliquis verò meum consultum de hac Causa tractans debile, ac humillimum est in bonum vtriusque partis factum; aliàs timeo, nè mala consequentia resultare possit ex nimia renitentia, & solum condolendum magnum scandalum, & prostitutio eiusdem, quæ euenire possint, si in breui non stabilietur terminus finalis; Si ergo hic Religiosus per multum temporis spatium in Oppido Habach apud Sacerdotes Sæculares habitaret, eueniret, & sequeretur hoc ipsum, quod numero quarto submotuis à Reuerendissimo Prælato Pollingano productis, humanissimè exposui. Quare me ad vltiores fauores, & gratias deuotissimè recomendans permaneo.

Pahl 14. Ianuarij 1726.

D. V. Rmæ, ac Illmæ.

Humillimus, ac Deuotissimus Seruus

Ioannes Georgius Ottinger Sac. Theologiæ
 Doctor Consiliarius Ecclesiasticus Aistensis
 Decanus, ac Parochus in Pahl.

Venerabilis in Christo Patri Episcopo Augustano.

BERNARDVS MARIA Miseratione Diuina Tituli S. Bernardi
 ad Thermas S. R. E. Presbyter Cardinalis
 de Comitibus &c.

Num. 2.
Bulla S. Penitentiariæ.

Salutem, & sinceram in Domino Charitatem.

Ex parte Antheri Pach Clerici Religiosi Professi Canonorum Regularium Ordinis S. Augustini latoris præsentium nobis oblata petitio continebat, quòd ipse aliàs in Capitulo de Magia falsò accusatus, & propterea à præfato Capitulo ad perpetuos Carceres condemnatus, vt se ab hac perpetua pœna liberaret, finxit rationes falsas, vi quarum Sententiam nulli-

tatis suæ professionis reportauit, & à suo Ordine, ac Monasterio Polingano in Bauaria fuit dimissus; licet tunc, Dum dimittendus erat fraudem suam in allatis rationibus manifestauerit, ac ordinem deserere renuerit; Cum autem sicut eadem petitio subiungebat, dictus lator sic dimissus ad Urbem personaliter accesserit, & Sacræ Pœnitentiariæ se præsentauerit, à qua absolutionem à Censuris propter præfatam Apostasiam incurris, & condonationem omnium pœnarum, & pœnitentiarum, quibus propter huiusmodi Apostasiam mulctandus foret, obtinuit, cum obligatione tamen infra annum sub pœna relabendi eo ipso in easdem Censuras redeundi ad suum Ordinem, siuè aliam Religionem, in qua tamen vigeat Regularis, & Claustralis obseruantia, & beneuolos inuenerit receptores ingrediendi. Ideo pro suæ Conscientiæ quiete; Cupit sic absolutus, & condonatus, ac plurimum in Domino eximie charitati Vestræ comendatus, ac sub Vestra iurisdictione submissus ad effectum, vt ipsum laborem siuè in suo Ordine charitatiuè recipi, siuè in alia Religione admitti curetis, ad Vos mitti. Quare supplicauit humiliter, vt sibi, super his de opportuno remedio providere dignaremur, Nos igitur, qui Pœnitentiariæ D. Papæ curam gerimus huiusmodi supplicationibus inclinati Auctoritate Apostolica specialiter Nobis concessa, dictum Antherum latorem sic absolutum, & condonatum, ac plurimum in Domino eximie charitati Vestræ commendatum, & sub Vestra iurisdictione durante dicto termino huius anni submissum ad Vos in utroque foro mittimus, ad hoc, vt Vos etiam Auctoritate Apostolica curetis ipsum latorem in suo Ordine recipi, ibique paternè, & benignè tractari, quòd si aliter expediri secundum Deum iudicaueritis; Cum ipso latore eadem Auctoritate Apostolica dispensetis, vt ad alium Ordinem, seu Religionem, ubi verè vigeat Claustralis, & Regularis obseruantia, & beneuolos inuenerit receptores se transferat, ibique peracto probationis anno professionem à Clericis emitti solitam, emittat Regularem, & post illam emissam inibi remanere, & perseverare licitè valeat, non obstantibus præmissis, ac Constitutionibus, & Ordinationibus Apostolicis, necnon dictorum Canonorum Regularium Ordinis Sancti Augustini, ac alterius Ordinis, seu Religionis ad quam, seu quem forsitan se transtulerit, Statutis, Decretis, & Priuilegijs, cæterisque contrarijs quibuscunque. Cæterum si lator infra annum ad suum Ordinem non redierit, seu alium ingressus non fuerit, nihil ei ulterius præsentis Litteræ suffra-

fragentur. Datum Romæ apud Sanctum Petrum sub Sigillo Officij Pœnitentiariæ quinto Idus Nouembris, Pontificatus D. Benedicti Papæ XIII. anno secundo.

I. Iacobus Fattinelli. F. Episcop. Teshalen. Petrucciolus.
Lepalruis, Sigill. &c. Gratis vbiq̃ue.

Beatissime Pater.

Antherus Pach Clericus Canonicus Regularis Professus Monasterij Pollingani ex Diocesi Augustana, ob Magiam, & ob vitium Carnis innocens accusatus, & condemnatus ad Carceres, à quibus vt se liberaret, finxit motiua falsa, quibus suam professionem probaret inuolidam, non animo tamen deserendi Religionem. Creditum est motiuis fictis, & quamuis Antherus; Hæc motiua falsa reuocauerit, at tamen inuitus ex Religione eiectus est, quare penitens, & supplex Antherus Anno Sancto elapso mense Octobri in Persona venit ad Sac. Pœnitentiariæ Tribunal, pro opportuno remedio, ac porrecto supplicij Libello, obtinuit gratiam cum Breui Apostolico ad suum Ordinarium cum recomendatione suæ Causæ tuendæ. Hoc cum addito sub pœna reincidentie Antherus intra annum medium, vel suum, vel alium Ordinem. Ità dispensatus, ingrediatur, remissus in suam Diocesim à suo Episcopo subdelegatum presentatus est sui Ordinis Prælato; Exhibitum Breue Apostolicum, causa examinata Antheri, quam subdelegatus inuenit, & approbavit iustam, non tamen à Prælato acceptatus est. Rationes, quas Prælatas opposuit sunt, quod Antherus non proposuerit in specie, quæ finxerit motiua ad inuolidandam Professionem, nempe, quod non dixerit. Se finxisse consuetudinarium, quæ ratio videtur nulla. Secundò, quod Antherus sit non fictus, sed verè consuetudinarius. Sed hoc à Subdelegato D. Ottinger Consiliario Ecclesiastico inuentum est falsum, ac ab eo refutatam, vt videre est in attestatione Subdelegati: ex eius rescripto partim Germanico, partim Latino; Extracta littera A.

Confirmatio supradictæ Bullæ

Quare denuò Antherus nunc Orator absens in suo lamentabili statu supplicat humillimè, vt suæ causæ inueniatur remedium, ac suæ conscientie medella, cum intra medium annum sub pœna reincidentie aut suum Ordinem, aut alium intrare obligatus sit. *Alium autem in hac regione intrare spes non affulget, cum inibi diffamatus sit, nisi prius receptus in suum Ordinem innocens agnoscat, atque ita famæ suæ consulatur. Rogat igitur supplex, vt Prælatas denuò orgeatur per Episcopum ad se recipiendum.* Nisi oppor-

opportunius remedium aliud videretur . Quam gratiam
Deus &c. *Ad alios sex menses .*

14. Pœnitentiarius Germanus ad S. Petrum .
Sacra Pœnitentiariæ retroscripto Religioso Anthero Oratori
terminum ad redeundum ad suum Ordinem , seù alium in-
grediendum in Litteris Breuis alias sibi concessi assignatum
ad alios sex menses ad prædictum effectum Authoritate
Apostolica in utroque Foro prorogat . Seruatis omnibus in
Litteris prædicti Breuis contentis , quibuscunque in con-
trarium faciendi non obstantibus . Datum Romæ in Sacra
Pœnitentiaria 22. Februarij 1726.

D. Archiepiscopus Neoquare &c.
S.D. Regens gratis Phimar,
Mustæ Reg. Secretarius .

Num. 3.
*Epistola Rm̃i Præ-
lati Pollingani .*

Ab extra .

*Admodum Reuerendo , ac Doctissimo Domino Dominico Mayr .
Canonico , ac Parocho à Habach Domino
Amantissimo Confini &c.*

Habach .

*Admodum Reuerende , ac Doctissime Domine
Dominice &c.*

Heri vesperè noster Professus (olim Silvester) Antherus
Pach cum Bulla Pontificia ad me venit , vi cuius nos ite-
rum eum suscipiamus , vel in aliam Religionem promouea-
mus , quod etiam mihi à Reuerendissimo Officio Augusta-
no impositum fuit , vel mea motiua notabilia transmitti
mandauit , cui sine mora his diebus debitam præstare
obedientiam conabor . Intereà vsque dum aliquot rescri-
ptum Augusta ad manus meas demandatum fuerit fieret
mihi singularis amici fauor , si ille in Domo Admodum
Reuerendæ Dominationis , vt sui carissimi Cognati per ali-
quot dies congruam sustentationem , ac victum habere
posset , offero me victum vsque dum aliquam resolutionem
Augusta obtinero , debito respectu exsoluere , obtenta
quam primùm etiam aliqua resolutione , citò citiùs rela-
tionem dabo , & notificabo , his cum humillima recomen-
datione maneo .

Pollingæ &c. 13. Ianuarij 1726.

Admodum Reuerendæ Dominationis .

*Seruus in Christo .
Albertus Præpositus .*

Ab

Ab extra.
*Ornatissimo, ac Doctissimo Domino Sylvestro Fuch Philosophiae
Candidato ad manus proprias,
Siffellhoffn.*

Num. 4.
*Epistola Vicarij
Augustani.*

Ornatissime, ac Doctissime Domine.
Ad ipsius ex Sacra Pœnitentiaria nouiter obtentam, ac mihi
exhibitam Bullam receptionis, responsionis loco hisce no-
tifico, me præfatam Bullam nequaquam executurum, eo
quod manifesto sub; & obreptionis labore vitio. Præpo-
tenti hisce Diuinæ Tutellæ Dominationem Vestram com-
mittens maneo.

Dominationis Vestræ.

Augustæ Vindelicorum 9. Aprilis 1726.

Paratissimus

Ioannes Gotthartus lib. Baro de Vohlin
Vicarius Generalis.

Ab extra.
*All' Illustrissimo Signore, Signore Padrone Colendissimo,
Il Signor Cassiano Roccho Jenner &c.
Roma.*

Num. 5.
*Epistola Canonici
Ioannis Geor-
gij Zobl.*

*Illustrissimo Signore, Signore, Padrone
Colendissimo,*

Commissionem à Sac. Congregatione &c. Tituli &c. Domino
Suffraganeo Ioanni Iacobo &c. Directam, Ego ipse huic
ad proprias manus tradidi, ac porrexi; Sed commiseratio!
Inueni eundem Dominum Suffraganeum in tali la-
mentabili statu, vt possibile vix sit, illum iam in extremis
constitutum hanc commissionem posse exequi, nihilomi-
nùs ille expectare vult per octo dies, an post durantem
decem Septimanis morbum acutissimis doloribus tantas
recuperare possit vires, vt hanc commissionem deferri queat,
sed, vt apparet, potius vires decrefcunt; quam recupe-
rantur. Hinc cum omni respectu deprecatur &c. Crede-
rem, quod suprad. commissio faciliùs ad titulum &c. Domi-
num de Dolberg Ecclesiæ Cathedralis Augustanæ Canoni-
cum Capitularem, & Consiliarium Ecclesiasticum &c.
Sed immediatè, vt expensis Postarum (cum nos ambos
non tangat hæc res) quæ hic loci dupplo maiores quàm
Romæ, ac Tyroli sunt, Nobis parceretur, dirigi debeat:
Ex hoc motiuo retromittitur nudum, ac apertum Decre-
tum Sac. Congregationis &c.

Domini Cognati Obseruandissimi &c.

*Cordialissimus Seruus, ac Cognatus
Ioannes Georgius Zobl Canonieus.*

Ab

Num. 6.
Epistola D. Canonici Dominici
Mayr.

Ab extra.

Reuerendo Domino Anthero Pach Canonico Regulari S. Augustini
Pollingæ in Superiori Pzuaria Professo Domino
Cognato suo venerando.

Romæ.

Die 29. Februarij, accepi litteras monachio, quæ in Domino Ethalensi Tabellario Murnauensi extradite sunt, quam primum eas accepi, ipsemet in manus Prælati Pollingani dedi, & per longum temporis spatium de varijs locuti fuimus, præsertim de facta Professione D. Syluestri Pach, dum ego interrogauit, quare professio sit nulla, utique publice coram Reuerendissimo Prælato deposuit Vota tria solennia nempe ego voueo castitatem, obedientiam, & paupertatem &c. respondit mihi Prælatus, non propter hoc, sed propter defectum Corporis; Ego verò vellem exactè, vt mihi dicat defectum, & demonstrat, ad meum petitum Prælatus nihil respondit, seù probare quidquam voluit, sed subito alium discursum incepit maneo cum humanissimâ salutatione sicut erat in principio.

Habach 6, Martij 1728.

Dominicus Mayr Canonicus Habacen., & Parochus in Thiernhausen., & Frauraun.

Lectori beneuolo.

Num. 7.
Attestata de Studijs, Vita, & moribus.

Cum nemini condigna laus, & commendatio subtrahenda sit; qui eandem morum probitate, & litterarum studio iure merito promeretur. Hinc Reuerendum, ac Religiosum D. Antherum Pach Ordinis Canonico Regularium Sancti Augustini pro suis meritis commendo sub hac æquissima forma. Anno litterarum mox elapso præfatus Dominus exhibuit se in Schola Theologico-Thomistica discipulum à capacitate, & maturitate, à diligentia, & profectu plane egregium. Mores prætulit ab eximia rerum celestium estimatione; Promptissima in moderatoribus suis obseruandis humanitate, ac obsequendi studio, summo opere commendandos. Mores inquam sine vlla interruptione ostendit religiosissimos; ita, vt omnibus pietatem, tolerantibus nedum solatio, sed etiam plurimis exemplo esse potuerit. Quare dignissimum censeo, quem omnes, quorum patrocinio, fauore, & gratia indiguerit, in Domino complectantur. Dictis fidem faciat manus mea, cum

con-

consueto Conuentus nostri Sigillo . Augustæ Vindelico-
rum in Conuentu Fratrum Prædicatorum 25. Iulij 1726.

P. Gallus Keller Ordinis Prædicatorum Sac. Theologiæ

Lector, Studij Formalis Augustani Regens &c.

Loco ✠ Sigilli.

Ego infrascriptus attestor R.D. Antherum Pach Ordinis San-
cti Augustini Canonicorum Regularium Professum Pollin-
gæ in Bauaria in Domo Ecclesiastica Beata Mariæ de Ani-
ma per specialem, ac singularem gratiam Eminentissimi,
& Reuerendissimi Domini Cardinalis Cienfuegos, nec
non Illustrissimorum, & Reuerendissimorum DD. Prouiso-
rum dicte Ecclesiæ habitasse, eumque iam per integrum,
& medium annum propter litigia super nullitate Professio-
nis à Prælato, ac Monasterio suo exorta laudabilissimè, ac
religiosissimè extitisse; pari quoque laude eluxit in eo sin-
gularis in Deum, calitesque cultus, frequens Sacramen-
torum susceptio, exactissima erga superiores obseruantia,
vitæque tenor probatissima, ac conuersatio honestissima;
Meritò proinde in omnibus ad quoscumque deuenit, &
quorum auxilio indiget, ipsum omni meliori modo, &
forma specialissimè commendo, speroque suis exemplis,
virtutum legibus, atque pietatis studio alibi fidem literis
meis facturum, quas interea, vt authenticæ sint, Sigillo
consueto, ac manu propria corroborauit. Datum Romæ
12. Ianuarij 1729.

*Josephus Hauser Ven., & Imperialis Ecclesiæ B. Mariæ
de Anima Sacrista.*

Loco ✠ Sigilli.

Ego infrascriptus fidem facio, & testor, me à sex ferè mensi-
bus vidisse Clericum quemdam ætatis 28. ad 30. annorum
loquela, ac aspectu Germanum, frequentare Sacra Con-
fessionis, & Communionis Sacramenta in hoc nostro tem-
plo Sancti Ignatij, & magnam deuotionem, & pietatem
præferre; Et cum occasione ipsius Confessionem audien-
di, cum eodem loquutus fuerim de rebus ad Conscientiam
& pietatem pertinentibus aperuit mihi, se fuisse ex Con-
gregatione Lateranensi Canonicorum Regularium Sancti
Augustini, & vocari Antherum Pach, & quàm maximè
optare ad suam religionem reuerti, & ob hanc causam
Romam commorari, vt huius Voti compos fiat, In quo-
rum fidem &c. hac die 21. Ianuarij 1729. Ex Collegio
Romano.

*Ignatius Sisti Societatis Iesu eiusdem Collegij Bibliothe-
carius.*

Loco ✠ Sigilli.

Ego

Ego infrascriptus &c., quod à pluribus mensibus cer-
tè, forte ab anno, vel à biennio, nam de hoc non recor-
dor, vsque ad præsens tempus exceperim frequenter Sa-
cramentales Confessiones R. D. Antheri Pach Canonici
Regularis, vt ipse asserit, Lateranensis S. Augustini Pro-
fessi. Interim idem Canonicus, prout negotiorum suo-
rum, aut pluris temporis occasio se dabat, alternatim apud
alium suum Confessarium suam Conscientiam aperiebat,
tanta frequentia, vt singulis ferè hebdomadis ille se Deo
reconciliaret magno cum pietatis sensu. Multa in eo sem-
per notavi virtutis signa, animique ad religiosam obser-
uantiam propensi, atque ex eiusdem habitu, incessu, col-
loquio plurimam cæpi ædificationem, multa noui de ipsius
pijs exercitationibus, de ieiunijs alijsque corporis afficta-
tioneibus, de orationibus circa Dominicam Passionem, cir-
ca Dolores Beatæ Mariæ Virginis, & de S. Iosepho spe-
cialissimus, vnde coniecturare licet eum in obsequio Dei
valdè profecturum, & in Christiana perfectione. Ita ite-
rum testor candidè coram Deo hac die 21. Ianuarij 1729.
Romæ ex Collegio Romano Soc. Iesu.

Ioannes Baptista Giakini Societatis Iesu Professor.
Loco ✠ Sigilli.

SACRA CONGREGATIONE
CONCILII

Rmo P. D.

DE ABBATIBVS
SECRETARIO

Augustana Professionis.

P R O

R.P. Anthero Pach.



Summarium.

Typis Giannini, & Mainardi 1729. ✠